

## Ўзбекистон халқига Наврўз табриги

---



Азиз ватандошлар!

Она диёримизга барчамиз орзиқиб кутган, гўзал ва дилбар фасл – Наврўзи олам кириб келмоқда.

Ана шу улуғ айём – шарқона янги йил билан каттаю кичик барча юртдошларимизни чин қалбимдан самимий муборакбод этаман.

Мана шу қутлуг кунда сиз азизларга, сиҳат-саломатлик, баҳт ва омад, оиласарингизга тинчлик-хотиржамлик, файзу барака тилайман.

Муҳтарам дўстлар!

Бу йилги Наврўз байрами барча шаҳар ва қишлоқларимизда умумхалқ сайиллари тарзида ўтаётгани унга ўзгача файз ва шукуҳ багишламоқда.

Наврўз руҳи ва фалсафаси Халқ билан мулоқот ва инсон манфаатлари йилининг ғоя ва мақсадлари билан уйғун ва ҳамоҳанг равишда намоён бўлмоқда.

Эл-юртимиздаги азиз инсонлар бир-бирларини қутлаб, дала ва қирлар, боғ ва майдонларда Наврўз байрамини шоду хуррамлик билан нишонламоқдалар. Дошқозонларда сумалаклар пишириб, дастурхонларга баҳор неъматларини тортиб, сайил-томушалар қилмоқдалар. Шу ёруғ кунларга етказгани учун шукроналар айтмоқда.

Ўзаро меҳр-оқибат, саховат ва муруватт кўрсатиш, табаррук кексаларимизни йўқлаш, ногиронлар, ёрдамга муҳтоҷ инсонлар ҳолидан хабар олиш, ҳашарлар ўтказиб, юртимизни янада обод қилиш каби савобли ишларимиз Наврўзниң файзига янада файз қўшмоқда.

Хурматли юртдошлар!

Бугун фидойи дехқон ва фермерларимиз катта орзу-умид билан янги мавсумни бошламоқдалар. Барчамиз уларни чин дилдан табриклаб, йилимиз қутлуг келсин, ҳосилимиз мўл бўлсин, деб энг эзгу тилакларимизни билдирамиз.

Наврўзи олам Ватанимизда яшаётган барча миллат ва элат вакиллари учун, бутун халқимиз учун энг суюкли байрамдир.

Бугун биз юртимизда мана шундай қутлуг байрамни нишонлаш баробарида, бутун дунёда

тинчлик ва хотиржамлик бўлишини, узоқ ва яқин барча давлатларнинг халқларига тараққиёт, фаровонлик ҳамда равнақ тилаймиз.

Азиз ва муҳтарам ватандошларим!

Барчангизни Наврӯз айёми билан яна бир бор табриклаб, ўзимнинг қалбимдаги энг самимий тилакларимни изхор этаман.

Наврӯзи олам юртимизга тинчлик-омонлик, баҳту саодат, кут-барака олиб келсин!

Ҳар бир оила, ҳар бир хонадонда яхши кунлар, тўй-томушалар кўп бўлсин!

Барчамизниң эзгу орзу-ниятларимиз ушалсин!

Осмонимиз мусафро, юртимиз тинч, халқимиз омон бўлсин!

Наврӯз байрами барчамизга муборак бўлсин!

Шавкат Мирзиёев,

[Ўзбекистон Республикаси Президенти](#)